

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 249153 24 St
Zenica, 01.10.2025. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja Ahmed Krehić iz Zenice, kao direktor i zakonski zatsupnik društva KREHIĆ d.o.o. Zenica, sa adresom prebivališta M. Azapagića br.4., Zenica, koga zastupa punomoćnik advokat Ermin Redžić, protiv protivpredlagatelja KREHIĆ d.o.o. Zenica, sa sjedištem na adresi Sarajevska br.111., Zenica, koga zastupa punomoćnik advokat Ermin Redžić, na ročištu 01.10.2025. godine donio je sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda, Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 4.000,00 KM na depozitni račun suda, broj: 134-010-0000044837 otvoren kod ASA Banke d.d. Sarajevo, Poslovnica Zenica.

Ako povjeritelji ne predujme iznos naveden u stavu jedan ovog rješenja u odredjenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako povjeritelji predlože otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj Ahmed Krehić iz Zenice, kao direktor i zakonski zatsupnik društva KREHIĆ d.o.o. Zenica, sa adresom prebivališta M. Azapagića br.4., Zenica, koga zastupa punomoćnik advokat Ermin Redžić, podnio je prijedlog za otvaranje stečajnog postupka nad društvom KREHIĆ d.o.o. Zenica, sa sjedištem na adresi Sarajevska br.111., Zenica, koga zastupa punomoćnik advokat Ermin Redžić. Sud je 29.04.2025. godine donio Rješenje o pokretanju prethodnog stečajnog postupka i za privremenog stečajnog upravitelja imenovao Kulačić Senaudina sa liste stečajnih upravitelja.

Na ročištu za utvrđivanje uvjeta za otvaranje stečajnog postupka 01.10.2025. godine privremeni stečajni upravitelj je izjavio da ostaje kod Izvještaja od 23.06.2025. godine, da prema bilansu stanja a u dijelu izvještaja kojim se utvrđuje imovina stečajnog dužnika na dan 31.12.2024. godine društvo nema nekretnina, postrojenja, i zemljišta, a što se slaže sa podacima iz registra i uvjerenja Službe za imovinsko-pravne, geodetske i poslove nekretnina Grada Zenica i ZK Ureda Općinskog suda u Zenici. Izjvio je da uvidom u Uvjerenje MUP-a ZDK-a je utvrdio da društvo Krehić d.o.o. Zenica posjeduje neregistrirana teretna motorna vozila Fiat Doblo, Volkswagen i Mercedes Benz MB 100, a obzirom da je pri izradi izvještaja imao sačinjeni bilans za 2010. godinu koji je stečajni dužnik predao uz prijedlog za otvaranje stečajnog postupka i da je u istom bilansu navedeno da društvo posjeduje nekretnine, zemljište, građevinske objekte, tekuća sredstva i zalihe i da tako prikazana imovina u bilansu nije fizički locirana niti mi je bila dostupna dokumentacija koja bi objasnila njeno otuđenje, rashodovanje ili iznajmljivanje, je zatražio očitovanje direktora stečajnog dužnika na ove okolnosti, a direktor je dostavio notarski ovjerenu izjavu broj: OPU-OV-8492/2025. od 17.06.2025. godine. Izjavio je da uvidom u informaciju Registra vrijednosnih papira F BiH je utvrdio da je stečajni dužnik registriran kao vlasnik vrijednosnih papira i to: 269.957 dionica društva INPEK d.o.o. Zenica, a od strane Registra Općinskog suda u Zenici je dobio informaciju da je pravni subjekt INPEK d.d. Zenica brisan po službenoj dužnosti Rješenjem Općinskog suda u Zenici, broj: 043-0 - Reg-13001148 od 09.10.2013. godine, a na osnovu zaključenog stečajnog postupka. Shodno gore navedenom i prema podacima i informacijama koje su dostavljene privremenom stečajnom upravitelju, izjavio je da društvo nema pokretnih, nepokretnih stvari ili druge imovine. Uvidom u raspoložive poslovne knjige stečajnog dužnika, zatim Uvjerenje UIO BiH, Uvjerenje Porezne uprave F BiH, pregledom rješenja prinudne naplate banaka gdje društvo ima otvorene račune je utvrdio da stečajni dužnik sa danom pokretanja prethodnog stečajnog postupka ima neizmirenih i dospjelih

obaveza za plaćanje u visini od 1.518.038,28 KM, a što je detaljno navedeno po povjerenjima na stranici 9. Izvještaja. Istakao je da imajući u vidu navedeno, raspoloživu imovinu i stvorene obaveze prema povjerenjima proizilazi da imovina stečajnog dužnika ne može pokriti troškove stečajnog postupka ni obaveze prema dobavljačima, pa shodno odredbi čl. 6. stav 3. Zakona o stečaju jasno proizilazi da postoje razlozi za otvaranje stečajnog postupka jer je račun blokiran više od 60 dana neprekidno, a također cijeneći da je prijedlog za pokretanje stečajnog postupka ovom sudu podnesen 06.08.2024. godine, a da je glavni račun dužnika blokiran 05.12.2019. godine, prijedlog za pokretanje stečajnog postupka podnesen je nakon isteka roka od 60 dana od dana nastupanja platežne nesposobnosti.

Imajući u vidu naprijed navedeno odnosno da ne postoji stečajna masa iz koje bi se namirivali troškovi stečajnog postupka predložio je da sud pozove povjerenjke i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 4.000,00 KM, na koji način bi se stekli razlozi za otvaranje stečajnog postupka, a ukoliko povjerenjci i zainteresirana lica u navedenom roku ne predlože otvaranje stečajnog postupka i ne uplate predujam predlaže da stečajni sudija otvori stečajni postupak i odmah zaključi postupak nad imovinom društva „KREHIĆ“ d.o.o. Zenica, te po pravomoćnosti rješenja o zaključenju stečajnog postupka naloži brisanje ovog društva iz sudskog registra.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7. Zakona o stečaju („Sl. Novine F BiH“ broj: 53/2021 i 19/2025), pozvao povjerenjke da predujme dovoljan novčani iznos za pokrivanje troškova stečajnog postupka (otvaranje i provodjenje stečajnog postupka), ako su zainteresirani za vodjenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vodjenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vodjenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7. 8. i 9. Zakona o stečaju („Sl. novine F BiH“ 53/2021 i 19/2025). Ovim rješenjem povjerenjci i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić